

武林坊巷志



杭州掌故丛书

武林坊巷志

第六册

浙江人民出版社

武林坊巷志 第六册

浙江人民出版社出版
(杭州武林路125号)

浙江新华印刷厂印刷
(杭州环城北路天水桥堍)

浙江省新华书店发行

开本850×1168 1/32 印刷21.75 插页5 字数500 000 印数0001—565

1988年7月第1版 1988年7月第1次印刷

统一书号：11103·197 定 价：5.80 元

ISBN 7-213-00251-1/K·51

武林坊巷志第六册

目 录

平安坊三

- | | |
|-----------|---------|
| 西 桥 | (1) |
| 青云街 | (6) |
| 赛西湖 | (12) |
| 东 桥 | (18) |
| 贡 院 | (40) |
| 三角荡 | (75) |
| 文龙巷 | (76) |
| 琼花街 | (113) |
| 凿石巷 | (120) |
| 文星巷 | (121) |
| 姚平巷 | (123) |
| 岳家湾 | (124) |
| 唐安弄 | (126) |
| 叭喇弄 | (126) |
| 褚堂巷 | (127) |
| 青龙街 | (150) |
| 范明庙 | (151) |
| 叶面巷 | (157) |
| 小庙巷 | (166) |

小井弄	(168)
吴童子巷	(170)
平安坊四	
朱衙巷	(173)
仓 巷	(174)
盐义仓	(180)
永济仓	(181)
马沈巷	(186)
灰陈巷	(187)
张御史巷	(189)
王民巷	(205)
范郎中巷	(205)
夏侯巷	(207)
石同巷	(208)
孙唐巷	(208)
纪龄街	(209)
御蹕街	(220)
平安坊五	
水星阁	(221)
城守药局址	(256)
田家湾	(260)
白洋池	(262)
嫦娥街	(318)
阁老弄	(320)
青井巷	(326)
井 弄	(326)
曹丁弄	(327)

梅东高桥	(327)
崇福庵	(360)
张驼园	(362)
老丝庄	(369)
燕支桥	(372)
梅家桥	(376)
平安桥	(380)
吉庆桥	(383)
湖水埠	(383)
胡打笊巷	(384)
梅东巷	(386)
群仙岭	(387)
锦裙街	(388)
十五间园	(389)
大夹道巷	(389)
小夹道巷	(393)

东里坊一

萧王弄	(395)
陆家河头	(397)
菜市桥	(397)
菜市桥直街	(417)
史家河头	(418)
天官弄	(418)
沈家弄	(418)
余达子巷	(419)
吉庆弄	(420)
金洞桥	(420)

高阳里	(426)
万安桥	(433)
回回坟	(436)
钟家埠	(437)
八叉弄	(438)
狗毛滩	(438)
羊毛滩	(439)
孝义庵	(439)
青井头	(449)
保凝巷	(450)
东里坊二	
黄子文弄	(451)
东园巷	(451)
仁勇宫	(486)
新 桥	(488)
广安街	(492)
沙河荡	(493)
所 巷	(495)
批验所	(495)
盐卤纲巷	(509)
金郎中巷	(510)
石板巷	(515)
黄肉巷	(516)
纲马巷	(517)
旗竿弄	(517)
蒋家河头	(518)
毛家井	(518)

戴家河头	(519)
海螂沟	(519)
王家河头	(520)
太平桥	(520)

东里坊三

包龙桥巷	(528)
总管庙	(529)
招宝堂	(530)
马家园	(537)
堂子弄	(537)
中正巷	(538)
蒲场巷	(545)
叶家弄	(549)
章庵弄	(550)
和睦巷	(550)
打线弄	(551)
华藏寺巷	(551)
普安街	(559)
瓦子巷	(560)
花斗巷	(562)
赵索面弄	(566)
周都司巷	(567)
锦衣巷	(569)

东里坊四

朱碧弄	(570)
毛儿弄	(570)
太平弄	(571)

金牛弄	(571)
徐官宰弄	(571)
场官弄	(572)
普慈寺弄	(574)
醋坊巷	(576)
庆春门直街	(581)
显真道院	(586)
庆春门	(592)
竹根泉	(602)
永寿寺	(612)
月牙池	(613)
李家井	(613)
曹家荡	(614)
小云栖荡	(618)
小天竺禅院	(623)
满月禅院	(623)
魏燕支地	(626)
翁家井	(626)
潮鸣寺巷	(627)
如松坊	
江衙园	(639)
塔儿巷	(639)
皮市巷	(641)
上、下马市街	(648)
永宁院巷	(662)
小营巷	(669)
杀猪场	(676)

方谷园	(676)
财神弄	(683)
茶香弄	(683)
金枪班巷	(684)
银枪班巷	(684)
茶园弄	(685)

平安坊三

西 桥

按：西桥，东对东桥，西出王衙前。桥东南有关帝庙，桥西有徐氏宗祠。国朝丁文衡、汪柏年、金世绶居此。附见者：毛奇龄、朱彝尊、吴青坛、吴允嘉、丁敬身、虞尔绳、王玉枢、沈八公、金小郑、王晴山、冯山公、吴宝崖、薛廷章、吴函望、徐必名、魏忠贤、颜佩韦、李实、□汝楨、沈尚文、樊良枢、施凤来、张瑞图、耿如杞、李长蘅、钱受之、闻子将、邹孟阳、严印持、严忍公、严无敕三十人。杂志有逆祠旧物。
《嘉靖仁和志》

工部侍郎江晓《重修贡院记》：自右坊折而南，则建輿梁以利涉，而达于西衢。嘉靖丙午年记。

按：此言西桥之权輿，故首列之。

《嘉靖仁和志》

西桥，一名塌坊桥，东有宋时御酒库。

《古今图书集成》、《康熙府志》

西桥一名塌坊。

按：塌讹作塌。

《康熙仁和志》、雍正《浙江通志》

西桥，一名塌坊桥。

按：宋之西桥，乃今之登云桥。今之西桥，建于明嘉靖丙午年，非塌坊桥也。塌坊桥在东桥对，今关帝庙基。《咸淳志·京城图》可考也。

《乾隆府志》

西桥。按：《咸淳志》无登云桥。《嘉靖仁和志》云新建，是也。陈《志》谓旧西桥，今改登云。马《志》谓今西桥，旧名塌坊。皆无据。塌坊，《咸淳志》与蒲桥并载，约其基在盐桥以东。

《淳祐志》卷七

《桥梁》：西桥。郑太尉宅东。

按：西桥，《康熙志》一名塌坊，误。塌坊桥在东桥之北，早废。《光绪府志》。又按：此说但知西桥非塌坊，而不知西桥即宋之登云桥，故引《淳祐志》“西桥”而列于此，登云桥则另列焉。此由不知郑太尉宅在何处，致有此论。《康熙志》则更以“塌坊”为“塌坊”也。

《杭都杂咏》

塌坊桥，在贡院西北。宋时北关门内有水数里，曰白洋湖。其富家于水次起造塌坊十数所，每所为屋千余间，小者亦数百间，以寄都城店铺及客商货物。四维皆水，亦可防避风烟，且免盗贼，甚为行都室之便。其他州郡，亦无此等坊院。后人于此建桥，题曰塌坊桥，实为今贡院后之平安桥也。或谓即贡院西桥，似不足信。

按：此说非是。

《杭郡诗三辑》

朱汝霖《里居八咏·塌坊桥》：一水灌城厢，临流起塌坊。因之利居积，宛在水中央。风大定深邈，贿财非漫藏。至今已平陆，不叹渡无梁。

《积山先生遗集》

《丁茜园先生传略》：舅氏丁茜园先生，名文衡，字公铨，又字乃清，博雅工诗古文，撰著最多，极为萧山毛西河奇龄、秀水朱竹垞彝尊两太史鉴赏。家贫，以布衣老，古人所谓饥寒常萃生前，可慨也。雍正癸卯年十一月，先生捐馆舍，年七十一。先生平日手不释卷，口不停哦，所著有《湖上词》二卷，已有雕本。《说狐》一卷，刻入石门吴青坛侍御《说铃》。《乃清诗》十六卷，《彩露堂文集》十卷，《四六》五卷，《一家言》二卷，《日记》三十卷，《采采吟》一卷，《且吟》二卷，《对联》一卷，《集唐诗》四卷。诗若文尽付先生老友吴石仓充嘉，托以传。《日记》三十卷，则余藏之丁处士敬身家。敬身市隐，嗜奇好古，下笔无点尘。昼则米盐琐屑，不以损其神明，夜则瓦灯读书，王渔洋先生《古欢录》中人也。家蓄钞本书数千卷，故余畀之日记，实欲藉鉴别之家，以不朽吾舅氏耳。夫物莫不聚于所好：藏金玉者，寄之富室巨商，则无耗没侵蚀之患；藏诗书者，寄之魁士名人，则有表章发明之功；此余区区之意也。舅氏笃于朋旧，一时相知者有虞尔绳、王玉枢、沈八公、金小郟、王晴山、冯山公、吴宝崖辈，赋诗饮酒以为乐。家无斗筲，然一味之甘，或远方难得之物，立折柬名客，曾不独享。一日无客至，无以相娱，则郁郁不快。偶一日，将午，余偕友人薛君廷章、吴君函望造舅氏庐，求观古竹枝。值舅氏囊空如洗，午餐缺然。余与两君辞而退，舅氏以余偕来之客不能款饭，惘然若有所失。客既去，舅氏立门外目送之，至无所见而罢。余与两君亦回顾嗟异，盖其爱客出于天性如此。先生无子，束柴独立，殊难为情。歿之日，来会哭者，人人尽哀。石仓吴丈挽联则云：“东野惜无儿，留得文章千古在；西桥空有路，今朝车马几人来。”西

桥，在杭州试院之西，先生所居也。犹忆先生病剧时，先生手书病榻清言数纸示余云：“灶觚不就，季子破裘而归；寢室难安，买臣负薪而返。白眼所以视人，黑头何可不相。”又云：“拌内鲈鱼，杯中浔酒，对客佳品也。沙河钓蟹，还思看红叶于蒙堂；萧寺停舟，追想玩黄花于葛圃。故人何在？冢树蔽牛，凝神堕泪。”又云：“灯耿耿而黄昏，一声过雁；魂营营而至曙，数尽编钟。少年秉觚，白首折璺。人生无漆叶青粘之眼，有槿花泪晕之悲。可胜叹哉！”又云：“从来说学问二字，《庄子·逸篇》‘好学为福’，《书》云‘好问则裕。枣昏木强之人，忽然智虑有遽，知所不及者’。是以圣人询刍蕘也。”又云：“峨嵋放光石，推河放光木，亦物之奇者。至于文章，岂石火一燭耶？日月有晦明，文章昭万古。”又云：“福之无妄者，不耕获不菑畲是也。祸之无妄者，行人之得邑人之灾是也。惟天不貳修身俟死之圣贤，方能不贪无妄之福，不忧无妄之祸。故曰立命。”又云：“达人落叶穷通，浮云生死。高士睥睨今古，弄玩六合。圣人天地一息，万物一身。众人尘弃天真，腥集世味。吾闻之吕少司寇叔简。”又云：“脍肚以蔷薇露鲜，羹汤以鸡枞油。语云‘三世仕宦，才知著衣吃饭’。嗟乎，三世仕宦，仅知著衣吃饭耶？”又云：“有象而无体者，画人也，欲为而不能为。有体而无用者，塑人也，清静尊严，享牺牲香火，而一无所为。有运动而无知觉者，偶人也，待提掇指使而后为。此三人者，身无血气，心无灵明，吾无责矣。”又云：“贱居韦布，谊乏绨袍。虽有片言，谁将束帛？惭非郭璞，渴想童团。世遇扬惰，障多腰扇。”舅氏读书，务精小学，辨声韵。平生柏竹其行，不合于俗，不谐于世。然余思古之诗人，其穷于生前者，往往申于死后。后之君子，倘能以巨笔荣光幽潜，庶几名德不泯，则先生虽无一线之孤，以供椒

馨，卒不至同若敖之馁鬼，没世而文采不表见也。天乎，人乎，詎得无恨也乎？乾隆元年十月，甥汪惟宪谨撰。

《甘泉乡人稿》

《曝书杂记》云，往岁乙未秋，寓杭州贡院西桥某氏。有汪柏年者，与其弟挈妻子赁居焉。中堂悬新罗山人为柏年先世云尺先生画照，笔墨绝高。余读其题识，为之感叹。柏年因出谢文侯、蓝田叔为云尺曾祖然明先生合画小像见示，并赠上湖编修师韩所著书，属为题咏，诺之未果，忽忽二十年矣。柏年时年二十余，后闻客闽中有年，今不知踪迹如何。因检诸氏家集，见柏年所赠书，清门文采犹在心目间也。

《秋籁轩集》

《徙居西桥》：十载三徙居，远不越方里。岂曰恋是乡，故人在桑梓。汪二对衡居，同室郑公子。水南住泥桥，相去不数趾。时闻叩门声，未辟心已喜。欢聚罗酒浆，言笑无穷已。木以故土荣，鸟以友声止。湖海虽浩荡，游鳞乐旧水。

按：集为金世绶所撰。

《杭郡诗三辑》

徐必名，字声仲，仁和监生。声仲先生善章草，工简翰。先世业于津沽，尝游齐鲁间，为诸侯客。性嗜酒，与人交，亦如饮醇焉。晚年颇念家江，时时托之篇咏。年七十余，卒于天津。徐氏旧有宗祠，在贡院西桥之西。劫后，祀事久荒矣。

《稗贩》

魏忠贤缘苏人颜佩韦之变，珰颇衔苏杭织造李实。实怖欲死，乃命浙江巡抚□汝楨请建生祠，以自解免。择地于西湖关壮穆、岳忠武双庙之间。祠成，闻于朝，赐额普德，授杭州卫百户沈尚文守祠。媚珰者，属学使樊良枢作碑记，樊告病。乃更请阁中缙绅施凤来撰文，张瑞图书丹。耿副使如杞以不拜逆祠

被逮。由是各省效尤，穷极土木，遗秽可胜言哉！考西湖逆祠之毁，乃崇祯戊辰，议以所毁祠之木石修忠武庙。卜之弗许。相传贡院西桥关帝庙龙亭，犹逆祠旧物。

《西湖卧游图题跋》

长蘅先生与钱受之宗伯同举万历丙午乡试，后益寄情山水，托意书画，尘氛俗迹，不惹胸次。时来杭州，构南山小筑，起清晖阁，造怡受航，与闻子将、邹孟阳、严印持、忍公、无叟相往来。法相寺壁有画竹，莲居庵有书经石刻。高风胜韵，今犹未坠。兹册为先副墨，虽无画图，而神采奕奕，阅之令人心霁。暇从《檀园集》校正，依样写之，藉作清游之导。康熙三十七年仲夏月，茜园丁文衡记于西桥老屋。

青 云 街

按：青云街，南接永宁街，西北出西桥。市肆有虚白斋笺纸、林云楼装池、沈□□笔铺、瀚海堂书铺。国朝陈云杓、陈国贤、陈隼民、许五辰、许少卿、周京、周莲舫居此。梁山舟、丁竹舟附见。杂记有豪猾掠童，录旧获雋。

《武林坊巷全图》

青云街。

《杭都杂咏》

青云街，在仙林桥永宁街北。旧有陈云杓刻石，林云楼装池，沈茂才笔，许虚白笺诸市，每值科场赶趁者皆聚于此。

《清白士集》

《赠陈云杓序》：镌石一技耳，顾古人所极重，能书者往

往兼精此。王朗《魏受禅碑》，梁鹄书，钟繇镌字。李北海书碑，多自镌之。所称伏灵芝、黄仙鹤、元省己，皆其寓名也。《保母帖》是砖刻，相传出王大令献之手。文长洲父子，每自摹刻，以一代之贵臣文宗而亲雕勒之役，不以为褻，诚见良工难得，不忍付之拙匠，失其笔意尔。东汉以来，金石文字倒署刻工姓名，指不胜数。其尤著者，宋九江李仲宁与京兆安民并称，开苏黄词翰，鲁直题其居曰“琢玉坊”。茅绍之刻赵文敏书，毫毛不爽，在江南以此致富。后有会稽李璋，又胜于茅。康熙间，昆山朱珪精篆刻，碑版多其摹勒。因取平生所刻文字一一志之，曰《名迹录》，朱竹垞为之跋。盖非镌手得其人，则书者之精神意态不出，故古人重之。陈君云杓貌腴而神静。父国贤，善铁笔。云杓世其业，而艺益精。数十年来，士大夫家碑记志铭，咸欲藉家君之书以传，踵门来请者无虚日。既得请，则必延云杓钩摹上石，是亦家君之仲宁绍之也。云杓居城西青云街，过其庐，石声琤琤然彻户外，朝暮不绝。既有传授，又积精于此，以成其能，庶几不朽矣乎？云杓今年六十，子皞民谋所以为寿。吾嘉云杓之工于艺，而知其寿如石也，故作序赠之。

《杭郡诗三辑》

许五辰，原名丽身，字华亭，仁和廩贡，有《养时轩诗钞》。华亭与弟少卿称二难。所著有《同怀诗钞》。世业笺纸，在青云街，名虚白斋，为梁山舟学士所赏，非其纸不书。一时名重洛阳，价增十倍。庚辛之劫，所著付诸一炬。后客死于申江，尚有《佩兰文集》一卷。

《浅山园诗集》

《青云街酒家栽菊，为杭城之独盛。花名金乔者，尤所罕见》：路人呼看菊，恐到酒家迟。尽是繁华意，偏逢冷落时。璧圆诸品贵，钿合二乔奇。风雅思前哲，擎杯倦咏诗。董浦太史